

EMBLEMA XVI.

Salpa.

XVI.

Non, nisi tusa, sapit.

Non est apta cibo, sanis neque commoda mensis,

Et, nisi contuderis, non benè salpa sapit.

Salparum est hominum similis natura frequenter:

Nil sapit, aut rectè, nî bene tusa, facit.

Obstipum caput est, dura atque adamantina ceruix,

Ipsaque, quâ sapiat, mens rationis eget.

His melior rigido nulla est medicina flagello:

Namque vbi abest ratio, verbera dant sapere.